



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

DCL. Claus von Jeeze verkauft dem Kleinen Kaland in Salzwedel eine  
Rente aus Jeeze, am 30. März 1535.

---

---

**Nutzungsbedingungen**

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

Christoffer van der Schulenborch vor my vnd myne eruen de macht beholden, dat wy sodanen pacht alle jarliches mogen wedderaffkopen, wen vns dat boqweme is etc. — Des tho orkunde vnd getrewen gelouen hebbe ich myn angebarn ingefegell vor my vnd myne eruen willich abn duffem breff heten hengen, nha Christi vnfes heren gebordt veffteynhunderth, darha im ver vnd druttigsten jare, midtweke in den hilligen Osteren.

Nach dem Originale des Salz. Archives XXXII, 15.

DCXLIX. Dieterich Brun schenkt dem Rathe zu Salzwedel nochmals 50 Marck seitens der Gewandtschneidergilde zum Bau des neuen Walles, am 25. Februar 1535.

Anno domini XXXV, ahm Donnerdage nach Reminiscere, hefft de Erfame wolwife Diderich Bruhen, Burghermeyster vnde olderman der wantznider ghilde, dem Rade van gnanther ghilde weggen gegeuen vnd voranthwerdet Vefflich margk Soltwedell tho behueft des walles vnde gemeynen besten, daruor szo vp negst uorgangen pingesten Im XXXVIII. Jare defuluighe wantznider ghilde nicht affgedienet vnde gehalten wart.

Nach dem Orig. des Salz. Archives.

DCL. Claus von Jetze verkauft dem Kleinen Kaland in Salzwedel eine Rente aus Jetze, am 30. März 1535.

Ich Claus von Jetze, Henniges zeliger fzone, tho Bueft gefeten, Bekenne apenbar fzakeweldich betugende vor mick, myne Eruen vnd sust ydermenniglich, de dessen breff sehen edder horen lesen, dath Ich mith wolbedachtem mode vnde frygen willen tho einem rechten erfkoep vorkofft hebbe vnde vorkoep gegenwardich, in kraft dusses breues, dem Erastighen hern Steffen houet, deken, Joachim lassen, Camerer vnd gemeynen brudereren des lutken Calandes tho Soltwedell vnd ohren nhakameren, tho behueft derfuluigen bruderschop, Sofz schepel roggen iarliges paches vnde Eine marck Soltwedelscher webringe Dinstgelt jarliger In dem dorpe tho Jetze, also In vnd vth Hans Betken haue, houen, acker, wischen, weiden, holten vnd allen anderen des haues tobehorngen. Dulle Sofz schepel roggen vud Eine mark Soltwedelschen dinstgelt iarliges paches vnd renthe schall vnd will Hans Batke tho Jetze vnde Tynes haues besitter alle Jhar vp Martini episcopi in de Stadt Soltwedel bringhen vnd darfuluest gedachten deken, Camerern vnde ohren mithuorfehruen woll to dancke vnuorthogentlich geuen vnde vornugen, welche Sofz schepel roggen vnde Eine marck dinstgelt, iarlige pachte vnd renthe mogen genompte deken, syne

mithuorschreuen fredesam vnd rowliken vor mick, myne Eruen vnd Idermennichlik vngehindert besitten, alle Jar enfangen, nach orem besten genieten vnd gebruken. Wu ouerst szodanne beta-linge vorbleue, vp tidt vnde stede nicht vthen qweme von vargeschreuen, Mach gedachte deken vnd syne mithuorschreuen ane lenniges rechts vorforderinghe dar van stundt vmme panden edder panden laten, mith geytlikem edder wertlichem rechte, funder myn edder myner Eruen vorbinde-ringe vnd vorbedent, vthforderen vnd Imhanen, wu ohen dath tom boquemighisten syn werth, Dahr Ick vnd myne Eruen ohen willen tho helpen vnd nicht hinderlich syn. Ick vnde myne Er-uen Setten ock vorghemelten deken vnd syne mithuorschreuen In de hebbende brukende vnde rowzame wehre dusses vorgeschreuen iarliges pachtes, dinstgeldes vnd renthe, will ohen dessuluen ein recht szeker wehre wesen vorallweme vnd den gelyck mynen anderen mhenen vnd guderen vordeghedingen, vorrozdzinsten, bescharmen vnde vorpflichten vor Idermennichlich. Geschegen ock, dath godt affwende, sodanne vorgherurthe hoff vorwustede edder suft tho nichte qweme, so dat men daran neynes pachtes, dinstgeld edder pandenn bekamen kunde, alsedenne schollen vnd moghen vakengedachte deken vnd syne mithuorschreuen acker, wische, weyde, holtinge vnd alle andere dessuligen haues tobehoringe, nha anthale ohres bedagheden vnde hinderstelligen pachtes vnd dinstgeldes, ock nicht hogher, daruor genieten vnd gebruken. Hyr vahr mich de vakengedachte Dekan vnd syne mithuorschreuen kalandes herren veltich marck penning Soltwedelscher wehringe an guder gangbarer vier steder munthe houetsummen full vnd all to gantzer genuge vnd wol tho dancke in eynem Summen togetalt vnd uornoget, de ick ock also tor nuge van ohen enfangen vnd furder In myn vnd myner Eruen bekentlich nuth vnd framen gewandt hebbe. Idoch so hebbe Ich Clawes van Jetze vorbenompt vor my vnd myne Eruen den wedderkoop hir ahne beholden etc. — Alle dusse vargeschreuen stucke, puncte vnd artikell dusses breffs sampt vnd Ein Illich be-sonderen Laue Ick Clawes van Jetze. henning zeliger sone, vpgegenant, vor mick, myne Er-uen dem Erhasstigen hern Steffen houet, deken, vnd synen mithuorschreuen stede, vaste vnd vnuorbraken woll tho holdende, funder arghelist vnd jennich geuerde. Wedderfore ock dussen breue ein vngefuech, so dat he locker kreghe edder dat dath Ingefegell thobraken edder suft gemaculirt wurde, dath schall mich edder mynen Eruen mynen framen vnd den Calandes herren an ohren houetsummen, iarliken pachte vnd dinstgelde neynen schaden geuen. Dusses tho mehrern gelouen vnde bekanthenisse hebbe Ich Claus van Jetze, henninges zeliger sone, szakeweldich, myn Inghefegell vnde Ick Geuerdt van Jetze, oyswaldes zeliger szone, ock myn Ingefegell by mynes uedderen vor vns vnd vnse Eruen vnd Erffnbemeren, so dath Ich dussen vorgeschreuen koep mede howillet vnde gunstich nhagegheuen hebbe, witliken hanghen heten benedden ahn dussen breeff. Nha cristi geburth vnser hern velteynhundert, dar nha In dem viff vnde dortighisten Jhare, ahn dinghesdaghe in den hilligen Osteren.

Nach dem Orig. vom Herrn Pastor Walter in Graßau mitgetheilt.